



TILLEGGSINNKALLING FORMANNSKAP/PLAN- OG ØKONOMIUTVALET

Møtedato: 12.02.2021
Møtested: Fjernmøte
Møtetid: 11:00 - 12:30

Eventuelle forfall / melding om møtande varamedlem må meldast på [Møteportalen](#) eller til Lin Tove Thomassen epost lin.tove.thomassen@vaksdal.kommune.no

EKSTRAMØTE

Med bakgrunn i kommunelova §11-8 om hastesaker, samt vedteken "Politisk styringssystem og delegeringsreglement", Formannskapet, andre kulepunkt under Arbeids- og ansvarsområde, vert Formannskapet med dette innkalla til ekstramøte i samband med behandling av lokal smittevernforskrift.

SAKSLISTE

| SAKSNR | TITTEL |
|---------|--|
| 11/2021 | GODKJENNING AV INNKALLING OG SAKSLISTE |
| 12/2021 | FORSKRIFT OM SMITTEVERNFAKLEGG DRIFT PÅ BYGGEPLASSAR |

11. februar 2021

Hege Eide Vik
Ordfører



SAKSPAPIR

| Saksnr | Utval | Type | Dato |
|---------|-------------------------------------|------|------------|
| 11/2021 | Formannskap/plan- og økonomiutvalet | PS | 12.02.2021 |

| Sakshandsamar | Arkiv | ArkivsakID |
|--------------------|--------|------------|
| Lin Tove Thomassen | FE-033 | 21/210 |

GODKJENNING AV INNKALLING OG SAKSLISTE

Rådmannen sitt framlegg til vedtak:

Innkalling og saksliste vert godkjent.



SAKSPAPIR

| Saksnr | Utval | Type | Dato |
|---------|-------------------------------------|------|------------|
| 12/2021 | Formannskap/plan- og økonomiutvalet | PS | 12.02.2021 |

| Sakshandsamar | Arkiv | ArkivsakID |
|----------------|--------|------------|
| Atle Fasteland | FA-X20 | 20/1609 |

FORSKRIFT OM SMITTEVERN FAGLEG DRIFT PÅ BYGGEPLASSAR

Vedlegg:

Forskrift om smittevern fagleg drift på byggeplassar i Vaksdal kommune, Vestland fylkeskommune

Rådmannen sitt framlegg til vedtak:

Formannskapet godkjenner «Forskrift om smittevern fagleg drift av byggeplassar i Vaksdal kommune, Vestland fylkeskommune».

Forskrifta trer i kraft frå 12. februar og gjeld til og med 28. februar 2020.

Kommunal kriseleiing ved rådmann får fullmakt til å vurdere og eventuelt justere tiltaka i ei mindre innskjerpande retning etter ei veke.

Saksopplysningar:

I høve til regjeringa sine forsterka smitteverntiltak med inndeling av Bergen og omegnskommunar har rådmannen og ordførar vore i dialog med kommunar tilhøyrande ring 2, rundt Bergen, vedkomande innføring av likelydande lokal forskrift om smittevern fagleg drift på byggeplassar i perioden 12. – 28. februar.

Jamfør kommunelova §11-8 for hastesaker og «Politisk styringssystem og delegeringsreglement» vedteken av kommunestyret 09.02.21, sak 05/2021 vert saka lagt fram for Formannskap, plan- og økonomiutval for endeleg behandling.

Smittevernoverlege Ole Miltzow Thorseth gjev følgjande uttale til innføring av forskrifta:

«Det er et utbrudd i byggebransjen i Bergen med forgreninger relatert til Covid 19, mutert sør-afrikansk virusvariant. Dette er mer smittsomt enn andre kjente varianter av Covid 19. Samtidig er det en bekymring for at vaksine ikke er like effektivt i forhold til denne mutasjonen. Pasienter som

har vært fullvaksinert har blitt smittet av mutert virus.

Myndighetenes strategi er fortsatt å slå ned tilløp til spredning av denne mutasjonen og sekundært innføre strenge tiltak for å forsinke spredningen.

Vaksdal har siden utbruddet i høst stort sett klart å unngå mye Covid 19 smitte. Vi har også gjennom, kanskje opplevd som, relativt strenge tiltak klart å holde viruset borte fra våre helse og omsorg institusjoner .

Bergen tar utbruddet særdeles alvorlig, og siden staten ikke ville komme med særforordning har Bergen selv vedtatt forskrift i forhold til byggebransjen. Særlig med fokus på plikt til å etterleve bransjens egen anbefaling for smitteverntiltak på bygge- og anleggsarbeidsplasser. Tiltakene er viktige da dette er en uoversiktlig bransje. mye jobbmobilitet over landegrensene og uttalt mobilitet mellom kommuner i Bergen og omegn. Det er allerede registrert et smittetilfelle i Austrheim relatert til byggeplass Bergen.

Smittevernoverlegene i alle Bergen sine nabokommuner støtter vurderinger gjort der, og anbefaler sterkt randkommunene å vedta lignende forskrift. Dette for å unngå smitte til randkommunene som kan få store konsekvenser. Det er også en smitterisiko hvis nabokommunene har mindre strenge tiltak enn Bergen ved at ledig arbeidskapasitet Bergen beveger seg til nabokommunene for å ta kortere arbeidsoppdrag.

Det er i Vaksdal kommunes, likelydende med de andre randkommunene, utkast til forskrift tatt særlig hensyn til at det for oss dreier seg om mindre aktører innen bransjen. Disse må få mulighet til å utføre kortere arbeidsoppdrag i kommunene utenfor Bergen. Videre må forskriften tilpasses, slik det er gjort i vedlagte fremlegg, slik at lokalt næringsliv så langt som mulig er hesynstatt.

Smittevernoverlegen i Vaksdal ser det som viktig for fortsatt å unngå smitte i kommunen. I den sammenheng er det vesentlig at vi deltar i dugnaden mellom Bergen og nabokommunene for snarest å få kontroll over utbruddet. For slik å stoppe mutert virus fra å spre seg. Smittevernmessig er et kraftfullt tiltak som forskrift absolutt å anbefale da det innebærer en plikt til strenge smitteverntiltak direkte relatert til arbeidsplass og sikrer at evt. smitte til Vaksdal kan forebygges gjennom nitid testing med eventuell påfølgende karantene. Det vil i denne sammenheng være viktig at kommunen klarer å oppfylle sitt kontroll ansvar slik at forskriften kan virke etter sin hensikt,- å hindre at mutert sørafrikansk virusvariant sprer seg i kommunen.»

Rådmannen rår formannskapet om å vedta den justerte forskrifta slik den no ligg føre.

Utkast til forskrift om smittevern fagleg drift på byggeplassar

Heimel: Fastsett av smittevernlegen i samråd med KKL i Vaksdal kommune 12.02.2021 med heimel i lov 5. august 1994 nr. 55 om vern mot smittsomme sykdommer § 4-1.

§ 1. Formål og verkeområde

Forskrifta sitt føremål er å fastsetje smittevern faglege tiltak for å hindre eller avgrense spreing av SARS-CoV2 i befolkninga og blant helsepersonell, sikre oppretthald av tilstrekkeleg kapasitet i helse- og omsorgstenesta, slik at tenesta kan handtere smittesituasjonen og ivareta ordinære helse- og omsorgstenester.

Forskrifta skal bidra til at vi ikkje får ei ukontrollert spreing av mutert covid-19-virus i samfunnet som følgje av utbrot knytt til byggeplassar i Bergen kommune.

Forskrifta skal hindre smittespreing mellom kommunar som har påvist mutert virus og kommunar som ikkje har det, ved å redusere mobiliteten av arbeidarar og gi auka fokus på smitteverntiltaka i bransjen.

Forskrifta gjeld i Vaksdal kommune.

§ 2. Definisjonar

Med byggeplass meiner vi stad med følgjande aktivitetar kor det er meir enn 5 arbeidarar (inkl. lærlingar) til stades samtidig, uavhengig av kva for bedrift eller verksemd dei representerer:

- a) oppføring av bygningar
- b) innreiings-, utsmykkings- og installasjonsarbeid
- c) montering og demontering av prefabrikkerte element
- d) riving, demontering, ombygging og istandsetjing
- e) sanering og vedlikehaldsarbeid
- f) alminneleg anleggsverksemd
- g) graving, sprenging og anna grunnarbeid
- h) anna arbeid som blir utført i tilknytning til bygge- eller anleggsarbeid.

§ 3. Smittevern fagleg drift på byggeplassar

Byggeplassar skal sikre etterleving av Byggenæringens landsforening (BNL) sin bransjestandard om smittevern. Anbefalingar i standarden gjeld som påbod i denne forskrifta si verketid. Etterleving av bransjestandard skal kunne dokumenterast i form av planar og oppslag på arbeidsplassen.

Det skal vere lett tilgjengeleg munnbind og handsprit på byggeplassen.

Arbeidarar skal sikre at det er minst 2 meter avstand til andre personar på byggeplassen. Når det er fare for at avstandskravet ikkje kan bli følgt, skal munnbind brukast.

Det skal førast liste over alle som har vore på byggeplassen, med oversikt over tidspunkt og dato. Lista skal utleverast til smittesporarar på førespurnad. Ansvarleg på arbeidsplassen skal aktivt bidra til å få kontakt med smitta, og bidra til at smitta personar og deira nærkontaktar har kunnskap om reglar knytt til karantene og isolasjon. Lista over arbeidarar må behandlast i tråd med GDPR.

Ved levering av varer skal avstandskrava overhaldast - også til personell som leverer varene.

Arbeidsgivar er ansvarleg for at arbeidarar som får luftvegssymptom straks forlet arbeidsplassen. Hender skal spritast og munnbind tas på før heimreise.

Arbeidstakaren blir oppfordra til straks å la seg covid-19-teste med PCR-test.

§4. Krav til pauserom, garderober og sanitære forhold

FOR-2020-06-19-1265: Arbeidsplassforskrifta gjeld for alle faste og mellombelse arbeidsplassar, tilkomstvegar og for nye og eksisterande arbeidslokale. Ansvarleg for byggeplassen har eit særleg ansvar for å syte for at desse krava blir oppfylte.

I tillegg skal det vere mogleg å halde 2 meters avstand til andre arbeidarar på pauserom, i garderober m.v.. Det skal vere god ventilasjon i rom som blir nytta. Det skal vere vakthald på byggeplassen som går kontrollrundar kvar andre time og som ser til at avstandskrav og andre smittevernreglar til ei kvar tid blir følgde, inkludert bestemming om reingjering som beskrive i Bransjenormen. Dette skal dokumenterast. Brot skal straks bli påtalte.

§ 5. Kven som kan vere til stades på byggeplassen

Talet på personar som er til stades på byggeplassen skal avgrensast til det talet på personar som er heilt nødvendig for drifta.

Om ein person har jobba på byggeplass i ein kommune med påvist sørafrikansk mutert virus på byggeplass og skal jobbe på byggeplass i Vaksdal kommune, blir det stilt krav om negativ covid-19-PCR-test som ikkje er eldre enn 24 timar før oppstart av arbeid i Vaksdal kommune. Vidare blir det stilt krav om negativ PCR-test kvar tredje dag inntil 14 dagar etter arbeid på byggeplass i kommune med påvist sørafrikansk mutert virus på byggeplass.

Alle som er på byggeplassen skal følgje Bransjestandard om smittevern for BNL sine medlemsbedrifter.

§ 6. Kven som skal vere til stades på byggeplassen

Ansvarleg for byggeplassen skal ha god kunnskap om Bransjestandard om smittevern for BNL og generelle smittevernreglar. Denne personen skal sjå til at alle arbeidarar som har tilgang til byggeplassen, har tilstrekkeleg kunnskap om smittevern som beskrive i gjeldande bransjestandard.

Ein ansvarleg person skal vere til stades på byggeplassen jf. § 4, når det er meir enn 5 personar til stades. Dette skal være personell som har god kunnskap om Bransjestandard om smittevern for BNL.

§ 7. Testing av arbeidarar

Bransjen skal samarbeide med Vaksdal kommune si smittevernmyndigheit om testing av arbeidarar på byggeplassar, i tråd med dei faglege anbefalingane som til ei kvar tid kjem frå smittevernmyndigheita.

Arbeidarar som viser teikn til luftvegssymptom, eller som er inkludert i den gruppa som kommunen si smittevernmyndigheit har bede om å teste seg, men som ikkje ønskjer å teste seg, skal bortvisast frå arbeidsplassen.

Ein person som bur eller oppheld seg i Vaksdal kommune og jobbar, eller i løpet av dei siste 14 dagane har jobba, på byggeplass i kommune med påvist sørafrikansk mutert virus, blir sterkt oppfordra til å la seg covid-19-teste med PCR-test. Det er anbefalt vidare testing kvar veke for den som framleis jobbar på slik byggeplass.

§ 8. Straff

Forsettleg eller grovt uaktsamt brot på bestemningar i denne forskrifta, kan straffast med bøter eller fengsel inntil 6 månader, jf. smittevernlova § 8-1.

§ 9. Ikraftsetjing, varigheit

Forskrifta trer i kraft 12. februar 2021 og gjeld til og med 28. februar 2021.